

四庫全書

子部

欽定四庫全書

記纂淵海卷六十九

宋 潘自牧 撰

敘述部

自揆

經陳力就列不能者止

論語

子欵啓寡聞 吾在天地間猶小石小木之在大山也

莊顛毛種種懼不任君之事以為司敗憂也

子華 孤陋

寡聞愚昧多蔽

荀子序

史懼不能任其先人之祿

左昭七年

伍尚曰吾知不逮

昭二十年

燭之武曰臣之壯也猶不如人今老矣無能為也

左僖三十

年知伯曰余羸老也可重任乎

左襄十年互見晚境

子魚曰展四

體以率舊猶懼不給而煩刑書若又共二微大罪也

左定

年四時見微意有所裨補譬嚙星之繼朝陽飛塵之集華

獄

史記序

罷駑之質無汗馬之勞

西漢公孫弘傳

碌碌未有奇節

蕭何傳互見關雎門

無橫草之功

終軍傳

無尺寸之效

孔光傳

無伐閱

功勞

車千秋傳師古曰伐積功也閱經歷也

冀土愚臣忘生觸死

東方朔傳

么

麼不及數子

王命論

瑣才

晁錯傳

薄技

司馬遷傳

案枿之材不荷

棟梁之任

王命論

標末之功一言之勞

王莽傳

綿力薄才

嚴助

傳

犬馬齒載

與蓋字同孔光傳

班超曰無鉏刀一割之用

本傳

大官居御府久汚玉堂之署亡以自效

李尋傳

小醜

東漢黃香

傳

無分可採

鄧騭傳

螢爝末光

唐岑文本傳

命輕雀鼠

三國虞翻傳

人微地寒不當極總重任

通鑑梁均王紀

傳記代匠指南取誚博識

陸德明經典釋文序

蠢力何能負太山

牛涔不足增滄海

秋梁公家傳

集牛馬走

司馬子長書注言已為太史公掌牛馬之僕自謙之辭也

內愧齊竽外羞

魯服

梁任孝恭啟

蟻垤敢侔於蒿華

陳琳答東阿王牋

懼蒙塵於叩

缶顧取笑乎鳴玉

陸士衡文賦

四達雖平直蹇步媿無良

謝宣

遠張子房詩

在木闕不材之資處雁乏善鳴之分顧此腹

背羽愧彼排空翮

廬子諒

以犬羊之質服虎豹之文

吳質書

但恨功名薄竹帛無所宣

長歌行

策蹇長途終慙一日之

致懸縷層臺難任千鈞之重固知才弱不可自強力微

難以企及智小謀大恐貽折足之憂任重才輕懼有絕

臆之悔既慮鏤金固陳匪石

魏溫子昇  
為人讓表

予非荆山璞謬

登和氏場羊質服虎皮燕翼假鳳翔

東道彦  
雜詩

顧我蓬屋

姿謬通金閨籍

謬知終畫虎微分是醯雞

杜詩

著書每

成於廢疾進德且乏其馨香

柳啓

踈愚空薄

文選

方托麋鹿

羣敢同騏驥槽

柳詩

學不能探奧義窮章句為腐爛之儒

雖或實力於文學勤勤懇懇於歲時然而未能極聖人

之規矩恢作者之聞見勞費翰墨徒爾拖逢掖曳大帶

游於朋黨且有愧色況無能乎 惟怯泚忍下才末技

操斧於班郢之門斯強顏耳

柳文沈骸糞土甘心朽滅

顧揣涯分實覲心顏

陳子昂

劒非萬人敵文竊四海聲

李太白集

力薄志劣無異能解

柳宗元答許孟容書

投閒置散乃分之

宜月費俸錢歲糜廩粟文才不如人行又無町畦

問之朝廷事類不知東西況於經籍深豈究端與倪君

恩太山重不見酬稗穉所職事無多又不自提撕明庭

集孔鸞曷取於鳬鷺樹以松與栢不宜問蒿藜

韓集有志

慙彫朽無庸類散樗

散才易朽蟠木難容

牆面難

用灰心易然 病抱支離材均擁腫 少好讀書無謝

高鳳老不曉事有類揚雄 抱山雞而息慙顧遼水以

多慙駱賓王顧我散才同培塿元微之集乏齊魯報政之能

每慙效薄常懼食浮 蚊力自知微 不才甘朽質尚

卧豈泥蟠劉賓客自惟蓬艾影叨名蘭桂芬王無功豹皮製

袖方累羔裘狗尾續貂貴彰蟬冕李義山文德薄蟬翼命輕

鴻毛郭子儀表策蹇勵駕 叢冗禿屑 愧無運斤之妙徒

有傷手之責文粹自笑疎慵似麋鹿也教臺上費黃金羅隱



集 越祿躡等

杜牧之

下走之才不足以汚辱重地

皮日休文 自

憐非劍氣空向斗牛星

錢起詩

本朝楚肆固知難眩玉丘門安敢輒論詩

歐公集

山林本

我性章服偶包裹

寵兼憂而並至恩與責以俱深以

聖主而責愚臣方懷愧惕假小人而乘大器豈不齎顛

渴如偃鼠之飲河喘若吳牛之見月 舉足則蹈禍

之機以身為斂怨之府

寵榮既過小器盈而必顛筋

力已疲飛鳥倦而思止

昔而少健黔驢之伎已殫今

也病衰駕馬之疲難強 貪榮同衛鶴取笑類黔驢

公

集 蓼蟲事業無餘習芻狗文章不更陳 蟲智窮於測

海 苦窳賤質卷曲散材

臨川集

病馬已無千里志 但

恐跛牂隨赤驥青雲飛步不容攀 寬如定遠之言平

平無取拙比道州之政下下宜然 名過其實食浮於

人 雖叨過實之名卒無堪用之器 蓋散才不任於

斧斤而病馬空縻於芻束 溝中不願於青黃爨下無

心於宮徵

東坡集

地資淺薄積薪有後來之譏德業空虛

在梁有不稱之誚 泰壇之搏何取溝中之斷清廟之  
瑟誤收竈下之焦狙猿無事於冠裳爰居不樂於鐘鼓  
病竊不中於規模固陋難逃於冰鑑 六六年華屬

老夫 朽株難刻畫枯葉任彫零

樂城集

血指汗顏終縮

手

陳後山文

不自揣度

子教玉人彫琢玉 人之患在好為人師

孟子

日月出矣

而燭火不息其於光也不亦難乎時雨降矣而猶浸灌

其於澤也不亦勞乎

互見勢  
力不敵

西施病心而曠其里之醜

人見而美之歸亦捧心而曠彼知美曠而不知曠之所

以美

莊子

學曾未如耽贅則具然欲為人師

荀子

東里問空

腹而好自賢

孔叢子

龜三千歲蜉蝣不過三日以蜉蝣而

為龜憂養生之具人必笑之

淮南子

嫫母自窺於井以為

媚於西施桀紂自窺於世以為賢於堯舜

闕子

羣蟻觀螯

隱如岳蟻曰彼之冠山何異我之戴粒逍遙封壤之顛

伏乎窟穴也

符子

史無大功而求大祿

國語

持布鼓過雷門

西漢王尊傳

居累卵

之危而圖泰山之安為朝露之行而思傳代之功

東漢王符

傳

無毛髮之勞而欲求丘山之用

東漢張奐傳互見求多

侯思止

求為御史太后曰卿不識字豈堪御史對曰獬豸何嘗

識字但能觸邪太后悅即以為朝散大夫侍御史

通鑑唐武

紀

李輔國求為宰相上曰以卿之功何官不可為其如

朝望未允何

唐代宗紀

傳記魏收云我視沈約正如奴耳此所謂飾嫫母而誇

西施持魚目而笑明月也 有類效嘖彌益其醜

史通

集嫫母姣而自好

楚辭醜嫫母飾也

家家自以為稷契

揚雄解嘲

人

人自謂握靈蛇之珠家家自謂抱荆山之玉 孔璋不

嫻於辭賦而自謂能與司馬長卿同風

曹子建書

蚊淚與天

地齊流蜉蝣與大椿齒年

郭璞

瓊瓚誇璵璠魚目笑明月

張景陽雜詩

顧惟螻蟻輩但自求其穴胡為慕大鯨輒擬偃

溟渤 不謂矜餘力還來謁大巫

杜詩

持卻克之質入邯

鄆之墟奏曹鄆之音歷莖英之肆

陳叔達答王績書

盜跖自方

於仲尼

張謂虞  
帝碑銘

夫鯤之為魚也潛碧海泳滄流沈鰓於

渤海之中掉尾乎風濤之下而濠魚并鮒自以為可得

而齊焉鵬之為鳥也刷毛羽恣飲啄戢翼於天池之間

宛頸乎江海之畔而雙鳬乘鴈自以為可得而襲焉

賈

王

猶螢燐增輝太陽

唐邢璣  
畧例序

斗水瀉大海

孟東  
野

昨夜新

生黃雀兒飛來直上紫藤枝擺頭撼腦花園裏將為春

光總屬伊

白侍  
郎

猶張蹭蹬之鱗更舉螳螂之臂

唐文  
粹

裏

燕石而履玄圃帶魚目而游漲海祇取誚耳

柳  
文

臨江之

人得麋畜之日抱就犬習示之與之戲積久益狎麋忘  
已之麋也出門外見犬與為戲外犬共殺之麋至死不

悟

柳文臨  
江之麋

本朝螳螂當轍恃長臂熠燿宵行矜照火 譬如學捧

心初不悟已醜

山谷

無異於鼓井淖而議東海坐蚊睫而

笑九萬之圖南也

江氏表心說  
五見妄議

自嘆

經我入自外室人交徧謫我已焉哉天實為之謂之何



哉

知我者謂我心憂不知我者謂我何求

互見感嘆

我生

之初尚無為我生之後逢此百罹憂心悄悄慍于羣

小覯閔既多受侮不少自貽伊戚父母生我胡寧

忍予知我如此不如無生天之生我我辰安在

悠悠蒼天曷其有極

詩

子知我者其惟春秋乎罪我者其惟春秋乎

孟忘乎故

吾

莊

史舉世皆濁而我獨清舉世皆醉而我獨醒是以見放

史屈原傳孔子既不得用於衛至河聞竇鳴犢舜華之死也

臨河而嘆曰美哉水洋洋乎丘之不濟此命也夫

史孔子世

家

劉備曰平常身不離鞍驛肉皆消今不復騎驛裏肉

生日月如流老將至矣而功業不建是以悲耳

通鑑漢獻紀

犬馬之誠不能動人杞人之誠不能通天

通鑑漢明紀

管輅

嘆曰天與我以才不與我年壽

魏志

王羲之曰宇宙雖廣

自容何所

通鑑晉紀

尾長翼短不能飛

四海雖廣寧有容

足之地

通鑑晉紀

嵇康將刑顧視日影索琴彈之曰廣陵

散於今絕矣

晉書本傳

陸機臨受誅嘆曰華亭鶴唳豈可聞

乎

晉書本傳

自傷年紀摧頽功名不立

通鑑梁高祖

魏元忠曰我

薄命譬如墜驢足絰於鐙為所曳矣

通鑑唐武后紀

天地為籠

去將安所

唐武后贊

傳記孔子過谷中見蘭獨茂嘆曰蘭當為王者香今乃

獨茂與草為伍乃止車援琴鼓之自傷不逢時托辭於

香蘭云

琴操

集青春背我堂堂去白髮欺人故故生

唐詩

長吟永歎辭

楚辭

五薦不入朝一麾乃出守

南史顏延之詩

罕有知音者空勞流

水聲

江總詩

牽世嬰時網

陸士衡與士龍

榮與壯俱去賤與老相

尋

張季鷹雜詩

萬族各有托孤雲獨無依

陶淵明詩

年行已長所

懷萬端時有所慮至通夜不瞑志意何時復類昔日已

成老翁但未白頭耳

魏文帝吳質書

風雲落入後歲月度人前

齊顏延之班匠不我顧牙曠不我錄焉得成琴瑟何由揚妙

曲

選司馬絡贈山濤五入不遇及怨望

萬事已黃髮殘生隨白鷗聖朝

無棄物老病已成翁多少殘生事飄零似轉蓬顧惟

螻蟻輩但自求其穴胡為慕大鯨輒擬偃溟渤以茲悟  
生理獨耻事干謁乘黃已去矣凡馬徒區區勲業  
頻看鏡行藏獨倚樓識字用心苦白頭趨幕府  
窮途愧知己暮齒借前籌白首壯心違失學從兒  
懶長貧任婦愁吾徒日飄泊世事各艱難苦被微  
官縛低頭愧野人窮途反遭俗眼白紈袴不餓死  
儒冠多誤身殘杯與冷炙到處潛悲辛長卿多病  
久子夏索居貧形容勞宇宙奔走空皮骨一生

襟抱向誰開 昭代將垂白 途窮乃叫閭 尚為諸侯

客 獨屈州縣中 致身傷短翮 驥首顧疲駑 本賣文

為活 翻令室倒懸

杜詩

進不能矯翰 龍雲退不能棲神 豹

霧 昔年離別還同塞北之鳬 今歸來即似遼東之

鶴 生涯無歲月 岐路有風塵 萬里煙波舉目有江

山之恨 百齡心事勞生無晷刻之懽 畫地終難入書

空自不安 進不能言社稷之務 立事囊中退不能掃

丞相之門 買名天下 風塵摧白首 歲月損紅顏

駱賓王集

世

家黃葉散鄉路白雲重

皇甫湜

如何同枝葉各自有枯榮

壯夫或未達十步九太行

秋蓬已種種所為覺無

成

李太白集

吾自今年來蒼蒼者或化而為白矣動搖者或

脫而落矣毛血日益衰志氣日益微幾何不從汝而死

也死而有知其幾何離其無知悲不幾時而不悲者無

窮期矣汝之子始一歲吾之子始五歲少而强者不可

保如此孩提者又可冀其成立耶 太學四年朝齏暮

鹽 汨東西與南北恒十年以不居辱飽食其有數况

策名於薦書時所好之為賢庸有謂余之非愚時命  
雖乖心轉壯技能虛富家逾窘今者無端讀書史智  
慧總是勞精神畫蛇著足無處用兩鬢雪白超埃塵  
身將老寂寥志欲少閒暇名聲倚朋友援引乏姻婭  
疾添兒女戀老喪丈夫勇少年真可喜老大百無  
益自嘆虞翻骨相屯頭童齒豁竟死何裨進寸  
退尺卒無所成學成而道益窮年老而身益困利  
居衆後責在人先切自悲辛生天下無事時承先人



之遺業不識干戈耒耜攻守耕獲之勤讀書著文自七  
歲至今凡二十二年其行已不敢愧於其道其閒居思  
念前古當今之故亦僅志其一二大者焉選舉於有司  
與百千人偕進偕退曾不得策名於薦書齒下士於朝  
以仰望天子之光明今是鳥也惟以羽毛之異非有道  
德智謀承顧問贊教化者乃反蒙採擢薦進光耀如此  
可以人而不如鳥乎

韓文

雖家置一喙以自稱道詬益甚

矣

互見  
暗投

少時陳力希公侯許國不復為身謀風波一跌

逝萬里吐心瓦解空縲囚 雄雌蓄形於木杪兮短狐

伺景於深淵仰矜危而俯慄兮弭日夜之拳拳

柳文滿鏡

悲華髮空山寄此身白雲家自有黃卷業長貧 劒寒

空有氣松老欲無心 白首銜冤欲問天 惟有貧將

病能令親愛疎 白日豈知心 同官歲歲先辭滿惟

有青山伴老身 窮分安藜藿衰容稱薜蘿 嘆逝翻

悲有此身 獨醒空取笑直道不容身得罪風霜苦全

生天地仁青山數行淚滄海一窮鱗牢落機心盡惟應

鷗鳥親 生涯已逐滄浪老 斗間誰與看冤氣盆下  
無由見太陽 不才成擁腫失計似邯鄲 只緣六翮  
不自致長似孤雲無所依 白屋漸看秋草沒青雲莫  
道故人多 歲月蹉跎飛不進羽毛憔悴何人問遶樹  
空隨烏鵲羣巢林只有鷦鷯願 落落惟心在劉長卿雖  
云意氣在豈免顏色低 無成心力盡未老形骸殘  
塵土滿青袍 官曹冷似冰誰肯來同宿 身方逐萍  
梗年欲近桑榆 時遭人指點數被鬼揶揄 朝遊九

城陌肥馬輕車笑殺人暮宿五侯門殘茶冷酒愁殺人  
拙詩在壁無人愛烏汙苔侵文字殘迢遞麒麟閣圖  
功未有期區區盡素志焉用寫真為朽株枯竹有何  
榮青衫未解白髮已多始得名於文章終得罪於  
文章委心泥滓絕望煙霄跼身地遠仰首天高  
流年惘恍不饒我秋冷先知是瘦人亦知合被才  
名折二十年來折太多鏡裏老來無避處樽前愁至  
有銷時還似今朝歌酒席白頭翁入少年場徒勞

州縣不致青雲 僕乘囊輜日削月朘 一照舊圖畫  
無復昔儀刑 勿言一莖少滿頭從此始 誰知護落  
心先納蕭條氣 莫言三十是年少百歲三分已一分

良時風景長虛度壯氣心情已暗消 三旬卧廢鶯

花月一半春消風雨天 長慶老郎惟我在 年光東

流水生計南枝鳥

白侍郎

頑鈍如鉅命如紙 近來時世

欺前輩好染髭鬚學後生 媿無鴛鴦姿短翮空飛還

誰當假羽毛雲路相追攀

韋應物

人生不如意十乃居八

九

唐李衛公  
平泉記

青雲滿眼應驕我

杜牧

每行經舊處欲想

似前身

銅壺漏水何時歇如此相推即老翁

何事

獨傷懷少年曾得意

編蒲曾苦思垂竹媿無名

劉賓客

君登青雲去余望青山歸

互見趙  
向不同

常恐填溝壑何由振

羽儀

世途皆自媚流俗寡相知

當路誰相假知音

世所稀

虛擲此芳辰

不才明主棄多病故人疎

孟浩

然平生心力盡於文

半雨半風三月內多愁多病百

年中

杜荀鶴集

似玉今將沉如金今永沒

玄鬢行為霜清

淚泣成血

皮日休集

駕鴻得路爭先翦松桂凌寒獨後凋歸

去朝端如有問玉門闕外老班超

武伯蒼

鄰富難長往家

貧客漸稀

姚少監

拜迎官長心欲碎鞭撻黎庶令人悲

一卧東山三十春豈知書劍老風塵壯心瞻落景心

事感流萍

高適

道直去官早家貧為客多一身仍白髮

萬慮止丹心

性拙難超世心孤易感恩

竹馬兒猶

小荆釵婦慣貧

世途行處見人事病來踈

許渾

長貧惟

要健漸老不禁愁

張文昌

文字不得力桑麻難救貧

方飛

相看戀簪組不覺老風塵

錢起

涸魚久失風波勢枯草曾

霑雨露恩

唐文粹

出門即有礙誰謂天地寬譬如浸磔

泉流苦日已長生前為造化剩物歿後與灰土俱委

此豈不為辜負日月之光景耶

孟東野

只言聖代謀身易

爭奈貧儒得路難平生四方志此夜五湖心心寒

已分灰無焰

羅隱

共君前後俱從事羞見功名與別人

元微

之動觸樊籠倦閒消肉食難

呂叔和

本朝但應花枝日愈好惟有我老年年衰衰鬢鑷殘



歆雪嶺壯心降盡倒風旌

歐公集

新花與故吾已矣 筋

骸微纏束肺腑鼎鑄煎

一巢無地拙於鳩

青天白

日春常好綠鬢朱顏老自悲

輕軒已任人前後揭厲

安知世淺深

今吾即故吾

老來容易得新年 明

明漢月空相識

天偶人觚

識盡風波惡生涯亦可

哀

心腹非故時更覺日月駛

臨川集駛疏吏切從史疾貌

無錢乞

與韓知客名紙生毛不為通

古今詩話

積憂熏心驚齒髮之

先變抱恨刻骨傷皮肉之僅存

風流耆舊消磨盡只

有青山對病翁 可憐老驥真老矣無人更秣天山禾  
天窮無所逃 年年歲歲何窮已花似去年人老矣  
聞道鴛鴦滿臺閣網羅應不到沙鷗 信我人厄非  
天窮 我生無田食破硯邇來硯枯磨不出 寒聽不  
知春 溝中枯木應笑人鑽灼不然誰似我 俯仰隨  
人如桔槔 平生五千卷一字不救饑 園中草木春  
無數只有黃楊厄閏年 生涯到處似樗烏 此身自  
斷天休問白髮年來漸不公 身行萬里半天下僧卧

一庵初白頭 多才久被天公怪  
闕食惟應費婦知

萬事早知皆有命 十年浪走寧非癡  
狂謀謬筭百不

遂 惟有霜鬢來如期 人生識字憂患始  
心如死灰

不復溫 遠宦不知官爵好 思歸苦覺歲年長  
冷官

無事屋廬深

東坡

心事數莖白髮生涯一片青山

百斛明珠

人

生不願才才士困奔走 壯心付與東流水  
才短如

蠶只自纏 一官來往似秋燕 薄俸包裹如春蠶  
此

身長似伏轅馬 何日還為縱壑魚 一被簪裳裹長遭

羅網牽 丹心變為灰 老人無力年年懶 世事如花

種種新

樂城集

身如病鶴翅翎短 心似亂絲頭緒多

山谷

詩

叙述部

自薦

子今大冶鑄金金踴躍曰我且必為鏤鉚

莊子

史毛遂曰使遂早得處囊中則穎脫而出非特其末見

而已

史平原君傳

東方朔上書曰臣朔少失父母長養兄嫂

年十三學書三冬文史足用十五學擊劍十六學詩書  
誦二十二萬言十九學孫吳兵法戰陣之具鉦鼓之教  
亦誦二十二萬言臣朔年二十二長九尺三寸目若懸  
珠齒若編貝勇若孟賁捷若慶忌廉若鮑叔信若尾生  
若此可以為天子大臣矣

前漢東  
方朔傳

猶泥之在鈞惟甄者

之所為猶金之在鎔唯冶者之所鑄

董仲舒傳

先零反趙充

國年七十餘上問誰可將充國曰亡踰於老臣

本傳 搦朽

摩鈍鈐刀皆能一斷

班固  
敘傳

僕雖罷駕亦嘗側聞長者遺

風耳

司馬遷傳

青骹繁霜繫於籠中何以教其搏東郭於羈

下也白猿玄豹藏於櫺檻何以知其接垂條於千仞也

和璧之在荆山隋珠之潛重川非遇其人焉有連城

之價照車之名乎

晉書張載傳

晉譙王永曰公未見知耳鈗

刀豈無一割

通鑑晉紀

使受天澤餘潤雖朽枿敗腐不能生

殖猶足蒸出芝菌以為瑞物

唐書柳宗元傳

衣不蓋體常寄食

於人切恐轉死溝壑伏惟天子哀矜之令執先臣故事

拔泥塗之久辱則臣之述作雖不足鼓吹六經至沈鬱

頓挫隨時敏給揚雄枚臯可企及也有臣如此陛下其

忍棄之

唐杜甫傳

元澹謂狄仁傑曰下之事上譬富家儲畜

以自資也脯腊以供滋味參朮以防疾疢門下充百味

者多矣願以小人備一藥石可乎

唐書本傳

集羞庖人之獨割引尸祝以自助

絕交論

高鳥未挂於輕

繳淵魚未懸於鉤餌者恐釣射之術或未盡也昔賈誼

弱冠求試屬國請繫單于之頸而制其命終軍以妙年

使越欲得長纓繫其王羈致北闕切不自量志在效命

庶立毛髮之功以報所受之恩效錐刀之用使得西屬  
大將軍當一校之隊東屬大司馬統偏師之任必乘危  
躡險騁舟奮驪突刃觸鋒為士卒先雖未能擒權馘亮  
庶虜其雄率殲其醜類必效須臾之捷以滅終身之愧  
雖身分蜀境首懸吳闕猶生之年也如微才不試沒世  
無聞徒榮其軀而豐其體生無益於事死無損於數虛  
荷上位而忝重祿禽息鳥視終於白首此徒圜牢之養  
物非臣之所志也 冀以塵露微誠補益山海螢燭末



光增輝日月

選曹植求  
自試表

收孟明於三敗責曹沫於一舉

俾折臂臙脚之倫得自拂飾以期效命於鞭策之下

文柳

奮短翮於搶榆希高標之餘拂濯鮮鱗於涓滴望鴻浪

之微沾所冀顧盼曲流剪拂增價則鉉刀起一割之用

跋鱉致千里之行

互見  
求援

儻能分其斗水濟濡沫之枯鱗

惠以餘光照孀棲之寒女使得伏捥駕蹇希騏驎而蹠

足竄跡翩翹排鴛鸞而刷羽

魯澤祥麟希委質於宣

父吳坂逸驥實長鳴於孫陽所貴在乎見知所屈伸乎

知已

王駱賓

在公之宇下非一日是生於匠石之園長於

伯樂之廐者也於是而不得知假有見者千萬人亦何

足云耳 籍善為詩使其心不以憂衣食亂閣下無事

時一致之座側使跪進其所有閣下憑几而聽之未必

不如聽吹竹彈絲敲金擊石也

韓愈

夫溝中之木與犧象

同體追琢不至坐成枯薪朱而藍之猶足以為器苟液

楠曲戾不足枉斧斤願為庭燎以照嘉客

劉賓客

韋堪調

鼎用願君垂採摘

王維集

鐵衣雖正澁寶刃猶可試儻遇

拂拭恩應知剗犀利

劉長卿

連城之珍俟楚文而乃進高

山之操待鍾期而後發

唐文粹

本朝敝車無用猶可具於勞薪棄席未忘或再施於華

屋

臨川集

枯朽猶能出茵芝

東坡詩

自愧

子薛譚學謳於秦青未窮青之技自謂盡之遂辭歸秦

青弗止餞於郊衢撫節悲歌聲振林木響遏行雲譚乃

謝求反終身不敢言歸

列子

史項王曰縱江東父兄憐而王我何面目見之縱彼不

言籍獨不愧於心乎

史記本紀

李廣曰吾為隴西守羌嘗反

誘降者八百餘人詐而同日殺之至今恨獨此耳

西漢本傳

負之無可言者

後漢張步傳

褚裒伐後趙敗還至京口聞哭

聲甚多以問左右對曰皆代陂死者之家也裒慙憤發

疾卒

晉穆紀

王導曰吾雖不殺伯仁伯仁由我而死幽冥

之中負此良友

晉書周顗傳

狄仁傑曰婁公盛德我為所容

乃知吾不逮遠矣

唐書婁師德傳

王叔文敗韋執誼亦自失形

勢知禍且至雖尚為相常不自得奄奄無氣聞人行聲

輒皇悸失色

通鑑唐  
順宗紀

集愧汗如漿

駱賓王互  
見陳情門

內省慙惶若墜冰谷

劉賓客

汗皃

含羞耻

杜牧之

自慰

附自寬解

史張儀嘗從楚相飲已而楚相亡璧門下意張儀曰儀  
貧無行必此盜相君之璧共執張儀掠笞數百不服釋  
之其妻曰子毋讀書游說安得此辱乎張儀謂其妻曰

視吾舌尚在不其妻笑曰在也儀曰足矣

史記本傳

東方朔

曰使張儀蘓秦與僕並生於今之世曾不能掌故安敢

望常侍郎乎

時朔已為殿中郎史記本傳

苟有良田何憂晚歲

北史楊侃

傳互見預備

韓愈才高數黜官作進學解以自喻

唐書本傳

季子

來歸魯人喜其紓難

通鑑漢安帝紀

上曰隋煬帝勞民築長城

以備突厥卒無所益朕惟置李世勣於晉陽而邊塵不

驚其為長城又豈不壯哉

通鑑唐太宗紀

蘇源明曰吾不幸生

衰俗所不耻者識元紫芝也

唐書

郭子儀嘗奏除州縣一

人不報僚佐相謂曰以令公勲德奏一屬吏而不從何  
宰相之不知體子儀聞之謂僚佐曰自兵興以來方鎮  
武臣多跋扈凡有所求朝廷常委曲從之此無他乃疑  
之也今子儀所奏事人主以為不可行而置之是不以  
武臣相待而親厚之也諸君可賀矣又何怪焉聞者皆  
服通鑑唐裴皦書一絕曰宦塗最重是文衡天與愚夫  
代宗立盛名三主禮闈今八十門生門下見門生五代  
集位貶道行身窮志逸選齒落未是無心人舌有只作

窮途哭 新歸且慰意生理焉足說 生還對童稚似  
欲忘飢渴 大哉乾坤內吾道長悠悠 自古有羈旅  
我何苦哀傷 眼前無俗物多病也身輕 家書抵萬  
金 此生免荷父 莫思身外無窮事且盡生前有限  
盃 親朋滿天地 脫身簿尉中始與簞楚辭 憶獻  
三賦蓬萊宮自怪一日聲輝赫杜詩歲稔貧心泰 遊人  
莫笑白頭醉老醉花間有幾人劉賓客比者分將委棄泥  
塗老死草野今胷中之氣勃然復有仕進之路矣 壯



志已憐成白首餘生猶待發青春 眼中了了見鄉國

知有歸日眉方開

韓愈

乍拋衫笏覺身輕

姚少監

朝來始向

花前覺度却醒時一半愁

元微之

我愛狷介性立為頑拙

身平生雖寡合今即無緇磷 昨因風發甘長往今遇

陽和又小康還似遠行裝束了遲回且住又何妨 我

是人間事了人 老耳未多聾 薜花榆莢深村裏亦

道春風為我來 婚嫁累輕何怕老飢寒心慣不憂貧

酒引眼前興詩留身後名 自此光陰為已有從前

日月屬官家

互見間通門

骨肉團藥亦可榮 已為海內有

名客又占世間長命人 書訊朝賢斷知音野老多

世間富貴應無分身後文章合有名 擢第未為貴賀

親方可榮

白侍郎詩

聞人似我世間無 老為樊上翁既不

自期富貴要有數百首文章顧樊川一禽魚一草木無

限矣庶千百年未隨此磨滅耶

杜牧之

他人似我還應少

如此安貧亦荷天

杜荀鶴

本朝花與新奇如有意

臨川

何必濯於水本無纓上塵

歐公

集世上升沉無限事樽前強健不貲身

藥城集

尚有讀書

清淨業未容春睡敵千鍾因病得閒殊不惡安心是

藥更無方

但把窮愁博長健

退伏田野自稱老臣

追叙始終之遭遇以詫鄉鄰之父老如醉而醒如瘖

而鳴如痿而起初還故鄉初見父兄無官一身輕有

子萬事足

東坡

平生不作皺眉事天下應無切齒人

邵堯夫詩

孫奭致仕於鄆置宴語客曰白傅有言多少朱門鎖空

宅主人到了不曾歸今老夫歸矣喜動於色

滙水燕談

滿院

花開不似貧

雲漢友議

歲祿二千親八十世間誰有此時榮

陳後山詩

收身薄水釋置枕泰山安

山谷詩

### 自新

史欲改過自新

西漢刑法志

洒心自新

東漢平帝紀

洗心向善

後漢

郭泰傳

失旦之雞復思一鳴

三國志諸葛瑾云

竺景秀曰若許自

新必吞刀割腸飲灰洗胃

南史齊書荀伯玉傳

集君其務賞過我亦請改事

韓集

### 自責

經母氏聖善我無令人 有子七人母氏勞苦 有子

七人莫慰母心 靜言思之躬自悼矣 詩

史宣子曰吾淺之為丈夫也

左襄十年

趙孟曰我實不德

而以隸人之垣以羸諸侯是吾罪也使謝不敏

襄三十一年

晉悼夫人食輿人之城杞者絳縣人年長矣與於食趙

孟問縣大夫則其屬也召之而謝過焉曰武不才任君

之大事以晉國之多虞不能用吾子使吾子辱在泥塗

久矣武之罪也敢謝不敏

襄三十年

擢賈之髮以讀賈之罪

尚未足

史記范  
睢傳

縱彼不言籍獨不愧於心乎

前漢項  
籍傳

妻

子有過輒免冠自責

東漢仇  
覽傳

罪積山河釁深莫磨

劉趙  
石傳

寧人負我我無負人

通鑑唐  
德宗紀

集灰琯屢移塵露無補

劉賓  
客

本朝茫如醉夢之中不知言語之出

東坡謫  
黃州表

細思所以

得禍患者皆由名過其實造物者所不能堪與無功而

受千鍾者其罪均也

閉門却掃收召魂魄

方尚口


乃窮之時蓋擢髮莫數其罪

東坡  
集

長箭挽不盡不中無

尤弓

藥城集



記纂淵海卷六十九

欽定四庫全書

子部

記纂淵海卷七十

詳校官中書臣余日煥

主事臣祁韻士覆勘

總校官降調編修臣倉聖脉

校對官中書臣陸 湘

謄錄監生臣范鳴謙



欽定四庫全書

記纂淵海卷七十

宋 潘自牧 撰

叙述部

求援

經弱者不能自濟必依於強詩序控于大邦詩終夜有求

於幽室之中非燭何見禮記

子昏暮叩人之門戶孟車轍之中鮒魚曰我東海之波

臣也豈有升斗之水而能活我哉莊子

史孟獻子曰願借助焉

左襄四年

甘茂謂蘇秦曰貧人女與

富人女會績貧人女曰我無以買燭而子之燭光幸有

餘子可分我餘光無損子明而得一便焉

史記

雖復零雨

自天終待雲興四岳

北史魏愷傳

蕭炁為河南尹嘗坐事西

臺遣吉溫往按之溫治炁甚急及溫為萬年丞未幾炁

為京兆尹溫素與高力士相結力士自禁中歸度炁必

往謝官乃先詣力士與之談謔握手甚歡炁後至溫陽

為驚避力士呼曰吉士不須避此亦吾故人也召還與

炁坐炁接之甚恭不敢以前事為怨他日溫詣炁曰曩者溫不敢虧國家法自今請洗心事公炁遂與盡歡

通鑑

唐玄  
宗紀

傳記士非玉璧談者為價

物理論互見  
因人而重門

集冀宵燭之末光邀潤屋之微澤

劉孝標廣  
絕交論

寒谷待鳴

律

文選

譬諸蟄蟲坯戶而死者與夫槁死亦無以異矣春

雷一震必歆然翹首與生為徒況有吹律者召東風以

薰之其化也益速 宋廣平之沈下僚蘇公味道為使

者廣平投以梅花賦蘇盛稱之自是方列於聞人之目  
是知英賢卓犖可外文字猶用片言借說於先達之口

席其勢而後驤首當時矧碌碌者疇能自異

互見因  
人而重

施

一陽於剝極之際援衆溺於坎深之下 夫蹈者思起

必譁而求拯疾者思愈必呻而求醫

劉賓  
客集

孤獸走索羣

曹子建贈  
白馬王彪詩

無衆星之明假日月之光

魏文帝  
吳質書

願假東

壁輝餘光照貧女

李白  
集

餘波期救涸

巨海能無鈞浮

雲亦有梯

麾下賴君材並美獨能無意向漁樵 揚

雄更有河東賦惟待吹噓送上天

杜詩

儻荆璞不致見疑

夜光不逢按劍則沈骸九死終望銜珠俛首三泉猶希

結草 涸鱗濡沫常歆望於鯨波決羽搶榆頗思遷於

鶯樹 儻餘光之可照庶寒灰之重然曲逮恩光資餘

潤於東里襲承導引輕托夢於南樛 奮短翮於搶榆

希高標之餘拂濯鮮鱗於涓滴望鴻浪之微沾所冀顧

盼曲流剪拂增價則鈇刀起一割之用跛鼃致千里之

行

互見  
自薦

儻能分其斗水濟濡沫之枯鱗惠以餘光照媚

棲之寒女得使伏櫪駕塞希騏驥而蹠足竄迹翩翹排

鴛鴦而刷羽

五見自薦並駱賓王集

蹈水火者之求免於人也不

惟其父兄子弟之慈愛然後往而全之也將有介於其

側者雖其所憎怨苟不至乎欲其死者則將大聲疾呼

而望其人之救也 木在山馬在肆過之而不顧者雖

日累千百人未為不才與下乘也及至匠石過之而不

睨伯樂過之而不顧然後知其非棟梁之才超逸之足

也

互見委棄

天地之濱大江之濱有怪物焉蓋非常鱗凡介

之品彙匹儔其得水變化風雨上下於天不難也其不及水蓋尋常尺寸之間耳無高山大陵曠途絕險為之關隔也然其窮涸不能自致乎水為殯殮之笑者蓋八九矣如有力者哀其窮而運轉之蓋一舉手一投足之勞也然是物也負其異於衆也且曰爛死於沙泥吾寧樂之若俛首帖耳搖尾而乞憐者非我之志也是以有力者遇之熟視之若無覩也其死其生固不可知也今又有有力者當其前矣聊試仰首一鳴號焉庸詎知有

力者不哀其窮而忘一舉手一投足之勞而轉之清波

乎其哀之命也其不哀之命也知其有命而且鳴號之

者亦命也

韓文

且天下熙熙然而獨呻吟

柳文

恩波自解惜

枯鱗

銜花縱有報恩時擇木誰容托身處

劉長卿

見借

羽翼

王維集

折簡能榮瘁遺簪莫棄捐韶光如見借寒谷

變風烟

溫飛卿

愧無鸛鷺姿短翮空飛還誰當假羽毛雲

路相追攀

韋應物集

線因針而入矢因弦而發雖有線矢無

針弦欲自致焉不可得也

白傳集

當途訴知己投刺匪求



蒙

然孟浩

朝無一命之親路無回眸之舊猶孤根寄不食

之田也人人耘耨所不及家家溉灌所不沾其濯乃條

枚成乃華實者上天至仁之膏澤厚地無際之陽春乎

相公為上天霖雨佐厚地無際之陽春發生者也何以

處某焉

歐陽行  
周文

握風捕影鑄木鏤水敢求恩知但希鐫

琢墜井者求出執熱者願濯自愧掃門士誰為乞

火人

杜牧

遺簪墜履應留念門客如今只下寮宣室

夜闌如有問可能全忘未燃灰

羅隱

本朝無鹽煩刻畫寒谷借吹噓

歐公集

必為鑄鉞盡歸鎔

鑄

晏公類要

儻矜一介之誠願借半辭之助

臨川

行看富貴逼

炙手借餘暖

特借齒牙曲成羽翼

東坡

求哀

史楚子圍鄭三月克之鄭伯肉袒牽羊以逆曰孤不天  
不能事君使君懷怒以及敝邑孤之罪也敢不惟命是  
聽其俘諸江南以實海濱亦惟命其剪以賜諸侯使臣  
妾之亦惟命若惠顧前好徼福於厲宣桓武不泯其社

稷使改事君夷於九縣君之惠也孤之願也非所敢望

也敢布腹心君實圖之

左宣十二

楚莊王伐鄭克之鄭伯肉

袒牽羊以逆曰孤不天不能事君君用懷怒孤之罪也

敢不惟命是聽擯之南海以臣妾賜諸侯亦惟命是聽

若不絕其社稷使改事君孤之願也非所敢望也敢布

腹心

史楚世家

懷朔鎮將元尼須與元懷舊交貪穢狼籍置

酒請懷謂懷曰命之短長繫卿之口豈可不相寬貸

通鑑

梁武帝紀

魏齊答繫范睢折脅摺齒睢佯死卷以簣置廁中

使客醉者更溺之范睢謂守者曰能出我我必有厚謝

守者乃請棄簀中死人魏齊醉曰可矣

通鑑周紀

晉王斬劉

守光守光曰守光善騎射王欲成伯業何不留之使自

効其二妻李氏祝氏讓之曰皇帝事已至此生亦何益

妻請先死即伸頸就戮守光至死號泣哀祈不已

通鑑後梁

均王丁公為項羽將逐窘高祖彭城西短兵接漢王急顧

謂丁公曰兩賢豈相厄哉丁公引兵而還

西漢季布傳

暴勝

之欲斬王訢訢曰殺訢不足增威不如時有所寬以明

恩貸勝之壯其言而赦之

前漢

猛虎處深山百獸震恐及其

在陷穽之中搖尾而求食

司馬遷傳

集元相公在浙東賓府有薛書記酒後傷公猶子逐出  
幕既去作十離詩以獻犬離主筆離手馬離廐鸚鵡離  
籠燕離巢珠離掌魚離池鷹離羣竹離亭鏡離臺犬詩  
云馴擾朱門四五年毛香足淨主人憐無端咬着親情  
客不得紅絲毯上眠筆詩云越管宣毫始稱情紅牋紙  
上撒花瓊都緣用久鋒頭盡不得裁之手裏擎鸚鵡詩

云隴西獨自一孤身飛去飛來上錦裯都緣出語無方便不得籠中更喚人燕詩云出入朱門未忍拋主人常愛語咬咬銜泥穢汚珊瑚簾不得梁間更壘巢

撫言餘不載

謁見

經見情者獲直往則違

易例

既見君子云胡不喜

既見

君子為龍為光

詩

聞始見君子者辭曰某固願聞名於

將命者敵者曰某固願見罕見曰聞名亟見曰朝夕

禮記

子不識可以繼此而得見乎

孟子

願望履幕下

侍於下

風幸聞咳唾之音

莊子

史子產曰敝邑不敢寧居來會時事逢執事之不聞而

未得見又不獲聞命未知見時

左襄三十一

年鄒陽曰何王之

門不可曳長裾乎

願有謁也

西漢本傳

耳餘上謁

張耳傳

造

請諸公

張湯傳

曠若開雲見日何喜如之

東漢袁紹傳

伏拜賓

阼通爵里之刺

魏志

呂僧珍生子宋季雅往賀署函曰錢

一千閤人少之不為通強之乃進

梁書互見慶賀

集承顏下風

陸士龍詩

獨耻事干謁

杜工部詩

君出我入如相避

然

韓文

鄭光業有一巨皮箱凡投贄有可嗤者即投其中

號曰苦海

言撫

古者未有紙削竹木以書姓名故謂之刺

後以紙書故謂之名紙唐李德裕為相貴盛人務加禮

改具銜候起居之狀謂之門狀

集韻

得所依託

經日月麗乎天百穀草木麗乎土 得其所歸者必大

故受之以豐

並易

弱而不懼於敵者得所據也憂而不懼

於亂者得所附也

易注

日月得天而能久照

易

魚麗于水



獸麗于山

注易

菁菁者莪在彼中阿鴻雁于飛集于中

澤魚在在藻依于其蒲

詩

子霜雁託於秋風以成輕舉之勢列子投魚于淵寘猿于

木

文中子

大厦成而燕雀相賀

淮南子互見第宅門

史齊侯使敬仲為卿辭曰羈旅之臣幸若獲宥及於寬政赦其不閑於教訓而免於罪戾君之惠也所獲多矣

左莊二十二年社鼪不灌屋鼠不熏何則所託者然也

前漢中山王傳

巨魚縱大壑

前王褒傳

星辰之麗天猶萬國之附王

後漢袁楷傳

如晨風之鬱北林龍魚之趣藪澤也

晉書孝  
愍帝紀

魚得水而

遊鳥乘風而翔

唐書元  
稹傳

鳥生深林獸在豐草

白居易  
傳

傳記稷蜂不攻社鼠不熏其所託者然也

韓詩外傳鳳凰巢

於阿閣

通歷

集歸鳥赴喬林翩翩厲羽翼

曹子建贈  
白馬王彪

庇身有地

任彥  
昇集

蛸結蟻聚水草有依

文選

露淋秋檜鶴聲清

杜荀鶴

問無恙

外不暇出一語且先賀其得賢主人

韓退之  
代張籍

團團規內

星未必明如月託迹近北辰周天無淪沒

元稹

雄藩車馬

地作尉有光華

銜泥入華屋

韋應物

不見千年鶴多栖

百丈松

獸樂在山谷魚樂在陂池蟲樂在深草鳥樂

在高枝

白侍郎互見  
趙向不同

水深魚極樂

杜詩

### 失所依託

經龍戰于野其道窮也

易

若涉大水其無津涯

予將

疇依

書

予羽譙譙予尾脩脩予室翹翹風雨所漂搖

鴻飛遵陸

不屬于毛不離于裏

靡所止戾

詩

子下喬木而入於幽谷

孟

蒙鳩以羽為巢而編之以髮

繫之以葦苔風至苔折卵破子死巢非不完也所繫者

然也荀子

史號射曰皮之不存毛將安傅

左傳十年

容容無所倚

史

陰失所為愆

史孔子世家

曾不得邪徑而託足焉

前漢賈山傳

字

宙雖廣自容無所

通鑑晉穆紀

有鳥於此架巢於葭葦之顛

天風則葭折而巢毀所托者弱也

韓詩外傳

集眇眇而無所歸泊

楚辭

花離帶而萎條去幹而枯

蔡邕釋詁

出籠窮短翮委轍涸枯鱗

駱賓王

行舟楫而不識四方兮

涉大水之漫漫

韓文閔已賦五入昧於趨向

為水不入海安得浮天

波為木不在山安得橫日柯

孟東野

枳棘徒棲鳳

劉長卿

舊

時王謝堂前燕飛入尋常百姓家

劉賓客

百川不朝於海

雖狂奔澶漫終為涸土

唐田頌移書楊行密

纍纍然若喪家之狗

史記孔子世家

### 辨白

經無信人之言人實迂女

詩

子曰二三子以我為隱乎

吾無隱乎爾吾無行而不與二三子者是丘也

語

子如使子欲富辭十萬而受萬是為欲富乎 予豈好辯哉予不得已也 孟

史考問左驗明白

揚惲傳

貫高怨家知其謀上變告之於

是上遣捕趙王及諸反者趙午等十餘人皆自爭剄貫高獨怒罵曰誰令公為之今王實無謀而並捕王公等皆死誰白王不反者乃詣長安高對獄曰獨吾屬為之王實不知吏治撻笞數千剄身無可擊者終不復言貫高曰人情寧不各愛其父母妻子乎今吾三族皆以

論死豈愛王過於吾親哉顧為王實不反獨吾等為之

漢惠帝紀

初大司馬問疑中書郎陸機為趙王倫撰禪詔收

欲殺之將軍為之辨理得免死因表為平原內使

晉惠帝紀

張昌宗曰說嘗謂元忠為伊周伊尹放太甲周公攝王

位說曰易之兄弟小人徒聞伊周之語安知伊周之道

日者元忠初衣紫臣以郎官往賀元忠語客曰無功受

寵不勝慙懼臣實言曰明公居伊周之任何愧三品彼

伊尹周公皆為至忠古今仰慕陛下宰相不使學伊周

當使學誰耶且臣豈不知今日附昌宗立取台衡附元

忠立致族滅但臣畏元忠冤魂不敢誣之耳

唐中宗紀

議者

或罪張巡以守睢陽不去與其食人曷若全人其友人

李翰為之作傳表上以為若不時紀錄恐遠而不傳使

巡生死不遇誠可悲哉

唐肅宗紀

帝戲第五倫曰聞卿為吏

筭婦翁不過從兄飯寧有之耶對曰臣三娶妻皆無父

少遭饑亂實不敢妄過人餐

東漢本傳

李晟大安園多竹後

有為飛語者云晟伏兵大安園謀因倉卒為變晟遂斫



伐其竹

唐德宗紀

張巡死節睢陽人昧其功以為降賊肅宗

未及知李翰傳巡功狀表之帝因是感悟而巡大節白

於世

唐李翰傳

集刺心以自明刎頸以見志

李少卿

夫傲雖凶德必有恃

而敢行愈之族親鮮少無扳音班聯之勢於今不善交人

無相生相死之友於朝無宿貨蓄資以釣聲勢弱於才而

腐於力不能奔走乘機抵戲以要權利夫何恃而傲若

夫狂惑喪心之人蹈河而入火妄言而罵詈者則有之

矣而愈人知其無是疾也

韓文釋言

自古賢人才士秉志遵

分被謗議不能自明者百數故有無兄盜嫂娶孤女云

搗婦翁者然賴當世豪傑分明辨別卒光史籍 堅然

相白者無數人

文柳

西施若解傾吳國越國亡來又是誰

羅隱集

### 陳情

史淳于公少女緹縈隨其父至長安迺上書曰妾傷夫死者不可復生刑者不可復屬雖欲改過自新其道無

繇

西漢刑  
法志

隆天重地死無以塞責一日卒有不勝洒掃

之職先狗馬填溝渠竊有所恨

西漢東  
方朔傳

劉向曰臣幸得

託肺腑

西漢劉  
向傳

范滂謂陶侃曰欲仕辟乎曰困于無津

陶侃傳

春不得避風塵夏不得避暑熱秋不得避風雨冬

不得避寒凍四時之間無日休息又私自送往迎來弔

死問疾

貴粟  
論

本朝曾與蒿藜同雨露終隨松栢耐風霜

臨川集

豈堪置

足青冥上終欲回身寂寞濱少遭閔凶自奮寒苦

螢爝殊光不獲干時之譽棖楹近用亦參構厦之功

日有簡書之繁久無竿牘之獻

同上

范忠宣遺表云蓋嘗

先天下而憂期不負聖人之學 養疴卧治之所蒙成

坐嘯之餘 信道直前曾無坎井之避立朝寡助誰為

先後之容

信

隻影自憐命寄江湖之上驚魂未定夢遊

縲紲之中

疾病連年人皆相傳為已死饑寒併日臣

亦自厭其餘生

黷

逮親而得斗祿雖慰於子心斂板而

揖上官遂成於俗狀學久矣而將落思兀然而欲枯進

無取當塗之資退已失故時之步

歐公集

學以父兄為師

貧無公卿之助

藥城集

木雞自笑真無用芻狗何勞收已

陳罪積如山命輕如髮

同上

湔洗

經開釋無辜

書

蟄蟲昭蘇

記

子息我黥而補我劓

莊子

史所謂生死而肉骨也

左傳

振拔泥塗

前漢班固叙傳

枯骨復被

肉

東漢趙壹傳

洗刷疵垢宣暢湮鬱

雪冤氣於幽泉

唐書

集使入湯之禽復假羽毛自斷之足復蒙連續

蘇武報李陵書

塵洗天波謗絕衆口

陸機表

苟削丹書得夷平民迴霜

收電

同

拔泥塗之久辱

文粹

窮骸枯骨一朝再生踴躍章

惶再崩再殯

陳子昂集

收骸溝壑返魄幽泉魑魅窮魂重生

聖日糞土殘命不滅荒陬

再造生涯天實為德起

骨九泉

幽魂雪憤遺噍昭蘇

天波昭洗更得自新

朽骨更肉萬死一生

並同上

使枯朽之條更與秋蘭垂

芳陸沉之羽復共翔鴻撫翼

陸士衡

洗拔出泥滓

白侍郎

出

泥騰霄從骨生肉 提拔出泥吹噓生翅 將枯鱗再

躍經鍛翼重矯

並同

思波起涸鱗

杜詩

冤氣初逢渙汗收

劉長卿

六翮方鍛思重托於扶搖孤桐半焦冀見收於煨

燼

同上

表而出之為生羽翼

劉賓客

重雲開朗照九地雪幽

魂

杜牧

藥肉白骨香返遊魂

袂拭舊痕湔洗前過必

欲牽復用存始終

並同

莫因毫髮累長使濺泥沙

錢起

召魂魄

柳文

生繁華於枯蕘育豐肌於朽骨

劉越石

聖代也

知無棄物

羅隱

本朝安得層穹返收拾莫教狼籍渾泥沙

僧參廖子雪詩

進退難處

經云不可使得罪於天子亦云可使怨及朋友

詩

子與之為無方則危吾國與之為有方則危吾身

莊子

繳機而在上網罟張而在下雖欲翱翔其勢焉得

淮南子

史齊魯仲連為書約之以矢遺燕將得書泣三日猶豫

不能決欲歸燕已有隙恐誅欲降齊所殺虜於齊甚衆

恐已降而後見辱曰與人刃我寧自刃乃自殺

仲連傳



依世則廢道違俗則危殆

何武贊

文集居閒力不足從事力難任兩事皆害性一生恒苦

心

韓文公集

蒙成

經不耕穫不菑畲

易

史渠成亦秦之利也

溝洫志

蕭何為法較若畫一曹參代

之守而弗失

本傳贊

馮翊垂拱蒙成

薛宣傳

以杜畿為河東

太守鍾繇促王邑交付邑佩印綬畿謂衛固范先曰范

衛河東之望也吾仰成而已

漢獻紀

本朝秦收鄭渠成晉得楚材多

山谷集

### 備員

經今由與求也可謂具臣矣

論語

子齊宣王好竽南郭先生不知竽而濫吹於三百人之

中以食祿

韓非子

史魏絳曰日君乏使使臣斯司馬韓厥曰下臣不幸

屬當戎行攝官承乏

崩殯不敢自佚備持矛焉

並左傳

趙使平原君合縱於楚約與食客二十人偕得十九人

毛遂自薦曰願備員而行

平原君傳

雖有姬姜不棄憔悴雖

有絲麻無棄菅蒯蓋所以代匱也

應奉傳

貂不足狗尾續

晉書備員不復事

唐書

鍾毓每與參佐射魏舒常為畫籌而

已後遇朋人不足以舒滿數

魏明帝記

傳記強奏鄙者特為足曲

史通

乘間造之

琴賦

集切混吹於齊竽

濫飛聲於郢路

駱賓王

名亦濫吹竽

溫飛卿

本朝衆裏笙歌誰比數

東坡詩

狼狽

經若崩厥角

周書

史匹馬隻輪無反者

左傳

掃地盡矣

韓信傳

奉頭鼠竄以歸

蒯通傳託足無所

晉書

傳記狼狽是兩物狽前足短常駕兩狼失狼則不能動

故世言事乖者稱狼狽

酉陽雜俎

集乾坤之量包含海嶽臣身甚微無所投足蟻適於垤

蝸休於殼龜龍螺蚌皆有所伏臣物之靈進退惟辱

柳乞

巧文子輪無反粹

### 被讒

經巷伯寺人傷於讒故作是詩也 彼何人斯暴公為

卿士而諧蘇公焉故蘇公作是詩以絕之詩序 讒人罔極

構我二人青蠅

子匡章通國皆稱不孝孟子

史日月之明時蔽於浮雲龜炎 孔墨之辨不能自免於

讒諛

柳陽傳

馬援自交趾還載薏苡一車時人以為南土

珍怪後有上書諧之者以為明珠文犀

本傳

困於口舌不

能以忠自明

李光弼傳贊

集巧言易信孤憤難伸

劉賓客

有無兄而盜嫂娶孤女云

搗婦翁詆訶萬端旁午構扇

柳文

本朝巧語屢曾遭薏苡

東坡詩

衆口相咻有口難訴

樂城集

被禍

經明夷于飛垂其翼 困于石據于蒺藜 困于葛藟

于號晚

易

子禍重乎地莫之知避

莊子

鳥飛千仞之上獸走叢薄之

中禍猶及之又况編戶齊民乎

飯真訓

史昔虞舜窘於井廩伊尹負於鼎俎傳說匿於巖險呂

尚困於棘津夷吾桎梏百里飯牛仲尼畏匡菜色陳蔡

此皆學士所謂有道仁人也猶遭此菑况以中材涉亂

世遇害可勝道哉

游俠傳

人方為刀俎我為魚肉

項羽傳

景

帝没入鄧通家財一簪不得着身

佞倖傳

龍不隱鱗鳳不

藏羽網羅高懸去將安所

東漢傳

過誤失言文吏躡尋

三王

傳明知禍烈及已也

晁錯傳

張敬兒被收脫冠投地曰用

此物誤我

齊書烈火燒心衆鎬叢體

憲宗紀

集秋草榮其將實兮微霜下而夜降哀余生之不當

兮獨蒙毒而逢尤

楚辭妻孥受灰滅之咎

陳琳檄

潤鑊伏鑕

王命論

抱不測之罪

任安書

動足蹈非搖首入禍

鵬冠子

清霜

一委地萬草色不綠狂飈一入山萬葉不着木

孟郊

網羅

未解縱羽翮而何施囊檻方堅雖虎豹其焉往一廢



不復曾不若蹙足延顙之猶有遭也

文柳

問牛悲釁鐘說

羈驚臨牢

詩柳

夫鳥俛而啄仰而四顧獸深居而簡出懼

物之為已害也猶且不免焉 斷鶴兩翅鳴何哀繫驥

四足氣空橫

文韓

共展排空翼俱遭繳遠矰

文微

之車催太行

路劍落鄴城獄

白侍

才展凌雲翼俄成失水鱗

同上

### 寄孤

經哀此筑獨

詩小雅

無父何怙無母何恃

詩

子老而無妻曰鰥老而無夫曰寡老而無子曰獨幼而

無父曰孤四者天下之窮民而無告者

孟子

史小人老而無子知擠於溝壑矣

左

集單子獨立

文選

揮杯勸孤影

陶潛詩

弔影慙魂

江文通賦

零丁

孤苦至于成立梵梵子立形影相弔

陳情表

蚊虻當家口

草木是親情

盧仝詩

衡門獨立惟影與形

陳子昂集

垂老之歲

棄為窮人

白集傳

形單影隻

韓文

舉杯邀明月對影成三人

李白詩

在抱無兒承家乏祀

柳宗文

承先人之後在孫惟汝

在子惟吾嫂嘗撫汝指吾而言曰韓氏兩世惟此而已

韓文萬族各有托孤雲獨無根淵明詩孤桐亦胡為百尺旁

無枝踈陰不自覆脩幹欲何施張九齡一身形影單單

鳴無應隻影長孤白樂天空牀將影宿李君虞

飄蕩

經若涉大水茫無津涯蕩折離居罔有定極書譬彼

舟流不知所屆小孔子曰丘也東西南北之人也記

史心搖搖然如懸旌而無所終薄蘇秦傳如河中水泛東西

東漢陳蕃傳

集飄萍浮而蓬轉

西征賦

似舟飄不定如梗泛何從

駱賓王

萬里無故人江鷗不相識

劉長卿

流落感溫涼

劉賓客

飄然

隨釣艇雲水是生涯

溫飛卿

蓬生非無根飄蕩隨高風天

寒落萬里不復歸本叢

飄蓬踰三年回首肝肺熱飄

飄何所似天地一沙鷗

漂梗無安地

遊子無根株

並杜詩

汨東西與南北恒十年而不居

絕水草以休息

兮常未安而既危

並韓文

長念蝸牛猶有舍不如碩鼠解

藏身

七十無家萬里身

弔影分為千里鴈辭根散

作九秋蓬

白侍郎集

去國長為不繫舟

李太白

江海今為客風

波失所依

一身不家食萬事從人求

並劉長卿

身逐閒雲

不在家

武作營

生計如雲無定所窮愁似影巧相隨

姚上監

本朝井水分四鄰竹陰借東家蕭然行脚僧一身寄天

涯

東坡

### 寄寓

經黎侯寓于衛

詩註

諸侯不臣寓公

禮

史羈旅之臣

左傳

兩君羈旅

張耳傳

李揆乞衣求食萍寄諸

郡

唐小史

集羈旅無定心

張景陽

整託棟梁何用喜

元稹集

生計南枝

鳥

白侍郎

醉鄉無迹似閒雲

溫飛卿

人生已如寄在寄復為

客

李君虞文

荒僻

經果羸之實亦施于宇伊威在室蠨蛸在戶町疇鹿場

熠燿宵行

詩東山

史狐狸所居豺狼所啤

左傳

土陘而險山居谷汲

地理志

窮

里空舍

趙廣漢傳

集落落窮巷士抱影守空廬

左太冲

采茨葺茅宇剪棘開

舊畦

顏延年詩

小市常爭米孤城早閉門

草深迷市井地

僻懶衣裳

杜詩

陋宇荒堦不足回旋

劉賓客

欲掃柴門迎遠

客青苔黃葉滿貧家

劉長卿

媿非鄭公里歸掃蒙籠室

常應

物集

青苔依空牆蜘蛛網四屋

張景陽

里無曲突煙路無行

輪聲

同上

千里蕭條雞犬罕

季友表

草合人蹤斷塵濃鳥

跡深

李太白集

周王之馬跡不至謝公之屐齒不及

柳集

窮陋

史敫邑偏小不足以容從者

左傳

僻陋在夷其孰以我為

虞

左

生於窮巷之中長於蓬茨之下無有遊觀廣覽之

知顧有至愚極陋之累

王褒傳

集煙消日出不見人歛乃一聲山水綠 千山鳥飛絕

萬徑人跡滅孤舟蓑笠翁獨釣寒江雪

柳詩

蹄道補復破

絲窠掃還成 寂寞之濱

韓文

落葉滿空山何處尋行跡

韋應物蛙聲籬落下草色戶庭間

張文昌

怪禽啼曠野落日



恐行人

仙賈浪

紅葉紛紛葢欹瓦綠苔重重封壞垣

元孤積

螢出荒池落葉穿破屋

司空圖

本朝綠苔人跡少黃葉雨聲多

歐陽榮

不知人間之幾時

今但見草木華落為春冬

同上

虛市無人冷欲冰

樂城詩

### 敘述部

### 感謝

經飲之食之教之誨之 中心藏之何日忘之

詩

史所謂生死而肉骨也

左傳

管仲曰生我者父母知我者

鮑叔也

史管仲傳

決肌膚而藏骨髓

董仲舒傳

隕首流腸

侯景傳

周

宇文曰生死肉骨豈過今恩負山戴嶽未足勝荷

通鑑陳紀

衣服之外皆聖恩所賜惟髮與膚生從父母

唐楊妃傳

集一言之譽東陵侔於西山一盼之榮鄭璞踰於周寶

王文憲文集序

迴霜收電使不隕越

陸機謝表

自頂至踵功歸造化

咳唾為恩盼睐成飾

顧已循涯實如塵忝千載一

逢再造難答

任昉彈文

實佩荆卿黃金之賜却感豫讓國士

之分惠以恩光顧以顏色

江淹書

潤朽骨而榮枯木

文選

曹植 恩惠周渥

諸白馬賦

生繁華於枯蔑育豐肌於朽骨

勸進

表 守死陵墓沒齒家園不意慶雲垂澤天漢橫流拂拭

霧露生見白日踴躍昭泰情何以勝 再造生涯天實

為德 拔於草野謬齒衣冠私門祖宗幽顯榮慶豈止

一身而已 肝腦塗地不足塞責 特恕萬死賜以再

生 才本庸微名銜無紀皆緣際會叨遇聖明謬得揚

歷簪徽陪奉鴛鴦綢繆榮祿荏苒平時 摩頂至趾豈

足上酬

陳子昂集

玄造曲成大明私照

來效未聞新恩渥

及回一瞬之念致再造之恩 羣蟄應南山之雷窮  
鱗得西江之水 六律變幽谷之寒一九銷彌年之疹  
喜心深生懼 珍羞出於內府旨酒降於上尊勤勞無  
展於股肱醉飽有慙於口腹 跼奉自天之命遙馳捧  
日之心 鼓舞忤成雷 緘藤既開覩彩章之盛飾蹈  
舞而服發溫燠於初寒 頓驚凡口 舉其七筋若負  
丘山 恩光到敝廬 白首垂絲荷不遺 糗糧既備  
永無半菽之虞襦袴足頒遠超挾纊之感

劉賓客

德重恩

宏身微命輕無階荅謝惟積慚惶 受恩益大顧已愈

輕 蒙生成於天地無裨補於涓塵 溫存感深惠琢

切奉明戒韓集泛大鯨之海每覺魂搖戴巨鰲之山未如

恩重 駕駘蒙錦繡塵土浴潺湲 如我酬恩合執鞭

螢光燭火何裨日月之明弱質孤根但荷乾坤之德杜牧

之成九族之榮盡百年之幸 興哀於無用之地垂德

於不報之所 守突與者忽仰睇於白日負泥塗者遂

自濯於清源柳文釋於齊斧之下揖於羣士之上蘇公集涸

溜沾濡沫餘光照死灰

元稹

提攜增善價拂拭長妍姿

女醜嫁勞媒

惠深范叔綈袍贈榮過蘇秦佩印歸

天酒來以分甘御羞降而示惠寵過加遽懼多尸素之

責榮同置醴悲無麴蘖之功

玄造曲成

榮幸不止

於一身感戴實深於萬品

既鮮華而駭目亦輕煖而

便身祕藏篋笥傳示子孫榮降天上寵驚人間

澤及

草木秋色變而成春

顧陋質而懷慙貌非稱服拊微

躬而荷寵力不勝衣

肉食無謀未展涓埃之報素餐

有愧難勝醉飽之恩 天厨酒脯御府管絃寵賜忽降

於寰中慶幸實生於望外 念嚴凝而加之煦嫗慮駁

疥而潤以膏脂挾纊之恩所勉和則體舒不龜之澤既

沾感而手舞 頒御府之酒漿賜大官之餅餌

白侍郎

得

陪桃李植芳叢別感生成太昊功今日無言春雨後似

含冷涕謝東風

姚少監

旨酒名茶玉食仙果來於天府莫

匪天慈

杜牧之

適口忘憂已滿小人之腹殺身粉骨難酬

聖主之恩 卵翼不自於他門頂踵實非其已物

李義山

我蟠濁泥君躡青雲不以升沉塹隔其間誨我如兄煦

我如春我何敢忘銘骨書紳

孫可

煖乎若冬陽之煦油

乎若春澤之侵喜過生悲感深以泣

呂溫

雕琢只應勞

郢匠

羅隱

感激念知己匣中孤劍鳴

錢起

感入心府

權載之

載

本朝樞衣最出諸生後倒屣嘗傾廣坐中丹青至微

恐累玉瑩之粹土木至陋猥承綈繡之華優為體貌

畧去等夷繫獎予之太隆滋回皇之失次納之天地

之量照之日月之明

王介甫

功無銖兩恩有丘山

類要

不虞



暗禍陷臣於風波必死之淵尚賴至仁脫臣於蛟鰐垂

涎之口

歐公集

雖父兄所以處臣其僥倖不過如此投

畀磨廳之野保全樗櫟之生天地能覆載之而不能

容之於度外父母能生育之而不能出之於死中使

破甑弊簞復增九鼎之重使星下燭生蓬華之光華

天澤旁流失桑榆之枯槁憂深投杼豈無三至之言

詔復賜環不待一人之譽既陶甄於頑礦復封植於

散材

東坡

遺簪以故而見收老馬以病而復養哀憐廢

棄之久誰復肯然綢繆樽俎之歡亦非偶爾衣食有

奉已寬盡室之憂道德照人况復終身之幸

樂城集

受知

史子產聞子皮卒哭且曰吾已無與為善矣惟夫子知

我

左昭  
十三

楚蘧子馮曰知我者如夫子則可不然請止

左襄

二十

年管仲曰吾始困時嘗與鮑叔賈分財利多自與鮑

叔不以我為貪知我貧也吾嘗為鮑叔謀事而更窮困

鮑叔不以我為愚知時有利有不利也吾嘗三仕三見

遂於君鮑叔不以我為不肖知我不遭時也吾嘗三戰

三走鮑叔不以我為怯知我有老母也生我者父母知

我者鮑子也

史管仲傳

士為知己用女為悅已容

西漢司馬遷傳

初

曹操微時人莫知者嘗往候玄玄見異焉謂曰今天下

將亂安生民者其在君乎操嘗感其知己及後經過玄

墓輒淒愴致祭奠自為其文

東漢橋玄傳

申於知己屈於不

知己

晉書羊祜表

吳嘗置丞相衆議張昭吳王曰孤豈為子

布有愛乎顧丞相事煩而此公性剛所言不從怨咎將

興非所以益之也

通鑑三國魏明紀

吉溫常曰若遇知己南山

白額虎不足縛也

唐立宗紀

傳記驥服鹽車而上太行遷延負轅不能上伯樂遭之

下車攀而哭之驥於是俛而噴仰而鳴聲聞於天若出

金石之聲者何也彼見伯樂之知己也

戰國策

鑿齒有才

桓宣武器之未三十用為荊州治中謝朓曰不遇明公

荊州老從事耳

世說

晉伐吳張悌渡江戰吳軍大敗諸葛

靚過迎悌悌不肯去垂泣曰仲思今是我死日且我作

兒童便為卿家丞相所拔常恐不得其死負名賢知故

今身殉社稷復何所遁

襄陽記

集說操築於傳巖兮武丁用而不疑呂望之鼓刀兮遭

周文而得舉甯戚之謳兮齊桓聞以該輔驥躊躇於

樊輦兮遇孫陽而得代

孫陽伯樂姓名也楚辭

馬因迴首雖增價

相遇知音已半焦

白侍郎

士之知己貴知其音特達之分

不資於滕口

唐文粹喬潭霜鍾賦

圭璧無卞和甘與頑石列舜禹

無陶堯名隨腐草滅

文粹

特達而相知者千載之一遇

四選

子講德論騏驥長鳴伯樂昭其能盧狗悲號韓國知其才是

以致之齊楚之路以逞千里之任試之狡兔之捷以驗

搏噬之用

曹子建自試表

盧公天下之賢刺史也未聞有所推

及蓋難其人而重其事今子鬱為首選古所謂知己者

正如此耳身在貧賤為天下所不知獨見遇於大賢乃

可貴耳若自有名聲又托形勢此乃市道之事又何足

貴乎

韓文

知己如麻不患不顯

古之知己者不待來求

而後施德舉賢而已受德者不待成身而拜賜感知而

已故不叩而響不介而合則其舉必至而其感亦甚

柳文

### 謝過

經自底不類以速戾于厥躬 負罪引慝

書

子夏投其

杖而拜曰吾過矣吾過矣吾離羣而索居亦已久矣

禮記

史絳縣人年長趙孟問其縣大夫則其屬也召之而謝

過焉曰武不才任君之大事以晉國之多虞不能由吾

子使吾子辱在泥塗久矣武之罪也敢謝不才

左襄三  
十年

大叔文子曰臣不佞不能負羈縻以從扞牧圉臣之罪

一也

二十六年

廉頗肉袒負荊至藺相如門謝罪遂為刎頸

之交

通鑑周紀

范雎相秦魏使須賈於秦雎謂賈汝罪有幾

曰擢賈之髮讀賈之罪未足也

史

李廣曰諸校尉無罪

乃我自失道吾今自上簿至幕府

西漢本傳

車騎將軍王音

藉藁請罪王商王立王根皆負斧質謝

通鑑漢成帝紀

聞有意

督過之

高祖紀

在大譴大呵之域造請室而請臯

賈誼傳

南

山之竹不能載其罪戾

塗顏陳情

魏志

君子有過則謝

以質小人有過則謝以文

史記孔子世家



知悔

經我心之憂日月逾邁若弗云來

書

子自怨自艾

孟子

史鄭莊公曰寡人有弟不能和協而使餬其口於四方

左隱十一年

宣子曰我之懷矣自貽伊戚其我之謂矣

宣二年

悔禍之延

成十三年

楚靈王聞羣公子之死曰予殺人子多

矣能無及此乎

昭十二年

魯季桓子病輦而見魯城喟然嘆

曰昔此國幾興矣以吾獲罪於孔子故不興也謂其嗣

康子曰我即死若必相魯必召仲尼

史記孔  
子世家

悔之折骨

東漢李  
固傳

自古但聞漢和番不聞番和漢漢兒果能回意

我何惜與和

通鑑晉  
高祖紀

劉穆之曰貧賤常思富貴富貴必

履危機今日欲爲丹徒布衣豈可得耶

晉安  
紀

唐主謂璟

曰吾餌金石始欲益壽乃更傷生

晉高  
祖紀

王敦殺周顗而

王導不言導後告其子曰我雖不殺伯仁伯仁由我而

死

周顗  
傳

羅紹威曰合六州四十三縣鐵不能為此錯也

唐昭  
宗紀

傳記鄧艾引弩射中猿母其子為拔箭以葉塞瘡口艾

乃嘆息投弩水中

華陽國志

集追念徃愆寒心飛魄

柳文

班姬收泪恨妾身我曾排擯

無限人

元稹集

本朝少好議論古人既老涉世更變徃徃悔其言之過

東坡

先容

子墨者夷之因徐辟而求見孟子

孟子

史衛鞅因景監求見孝公

通鑑周顯王紀

有人先游

師古曰先游謂進納

也蟠木根抵輪囷離奇而為萬乘器者以左右先為之

容也

有人先談則枯木朽株植功而不忘

西漢鄒陽傳

無先容

經即鹿無虞惟入於林中

易

史布衣窮居之士身在貧羸雖蒙堯舜之術挾伊管之辨懷龍逢比干之意而素無根柢之容雖竭精神欲開忠於當世之君則人主必襲按劍相盼之迹矣 明月

之珠夜光之璧以闇投人於道衆莫不按劍相盼者何

則無因而至前也

西漢鄒陽傳

莫我為先

酈食其傳

非有仄室之

勢以豫席之也

賈誼傳注為之資藉也

古今用人必因媒介若行

成者無先容也

唐張行成傳

集無介紹之道安從行乎公卿

四子講德論

非有因人無

階而進坐致於青雲

並陳子昂

昔殷之高宗得良弼於宵寐

孰左右者為之先容信天同而神比

韓文感二鳥賦

不叩而響

不介而合

柳啓

感激自致其間無因

呂和叔文

孤寒

經直往則違

易例

獨行踽踽

詩

史無一日之雅左右之介

前谷永傳

孤特寡助

前漢

鄭昌上書

訟蓋寬饒曰上無許史之屬下無金張之託

通鑑漢宣紀

無

公輔一言之薦左右為容之助

後馬援傳

孤立羣貴之門傍

無一言之佐

東漢

傳記被褐懷玉無由自陳

萑門寒族百代無聞

史通

集萬族各有託孤雲獨無依

陶淵明詩

援引乏姻婭

韓詩

臺閣

多官員無地寄一足

韓文

外無虺蜥蟻子之援 族親鮮

少無扳聯之勢於今不善交人無相生相死之友於朝

無宿貨蓄資以釣聲勢弱於才而腐於力不能奔走乘

機抵巇以要權利

韓文公集釋言

入門無為言之侶出谷罕求

聲之援

唐文粹

天和蒸物燕谷不被其煦一鄒子尚能耻

之

柳文

攀驥逸而無由仰鵬飛而自失

駱賓王

鄉曲無知己

朝端乏親故伊誰為揚雄一薦甘泉賦

孟浩然

朝無一命

之親路無回眸之舊猶孤根寄不食之田也人人耘耨

所不及家家灌溉所不沾 堂上百里馥明無撒器之

因門下三千毛遂乏處囊之地

文粹

駱谷春深未有容

僕短馬瘦言簡行孤為驕閭之所排訶

元稹集

### 沈埋

經初登於天後入於地 入於幽谷幽不明也

易

子下喬木而入於幽谷

孟子

史長材廣度沈迹下僚

唐張淮傳

集判司卑官不堪說未免簪楚塵埃間 不脫吏部選



可見偶與奇韓集祿不及伐冰政不及專達柳集

本朝只有黃楊厄閏年坡詩

### 抑鬱

史獨湮鬱兮其誰語史賈誼傳莫大搯擊上音厄下古腕字西漢郊祀志不

得舒憤戴盆何以望天司馬遷傳久挫於刀筆之前陳湯傳

困於口舌不能以忠自明李光弼傳贊王忱曰阮籍胸中壘

塊故須酒澆之世說

集池魚籠鳥有江湖山藪之思潘安仁秋興賦習習籠中鳥舉

翻觸四隅

左太冲詠史詩

想崑山之高嶽思鄧林之扶疎顧六

翮之殘毀雖奮迅其焉如

文選補正平賦

愁洽百年苦溢千歲

何異促鱗之遊汀渟短羽之棲翳薈

七命

朗璞蒙垢不能

吐暉

連珠

看雲一悵望失水任呼號

杜詩

晴天欲照盆難及

貧女如花鏡不知

施肩吾詩

獨結臣舌暗抑銜冤一辭莫宣

乞巧文

譬如囚拘闌土一遇和景負牆搔摩伸展支體當

此之時亦以為適然顧地窺天不過尋丈終不得出豈

復能久為舒暢哉

柳文

懷痛窮天死不瞑目

跡卑易枉

無路自明

劉賓客

應似朱門歌舞妓深藏牢閉後房中

籠禽日月長

白傳集

韜舌辱壯心叫閤無助聲恨無羽

翼高飛翔

除非吞聲別無赴訴

杜牧之

聞天無路

文粹

無往而不失利

經困于石據于蒺藜

易

狼跋其胡載橐其尾

詩

子田原不過歲事君不過世擯於鄉里逐於州部

莊子

史動而見尤

司馬遷傳

生則為窮人死則為冤鬼天廣而無

以自覆地厚而無以自載蹈陸土而有沉淪之憂立巖

墻而有顛壓之患

東漢鄧  
榮傳

舉趾觸罟罟動行絰羅網

畢網加上機穽在下思飛不得欲鳴不可舉頭畏觸搖

足恐墮內獨怖急乍冰乍火

東漢趙  
壹傳

叫閤弗聽叩鼓弗

聞

新唐史徐  
有功傳

傳記上畏鷹鷂下畏網羅

說苑正  
諫篇

集下堂兮見蠱出門兮見蜂退靜默而莫予知兮進

號呼又莫予聞

楚辭

出門無通路枳棘塞中途

左太冲  
詠史

舉

手挂羅網動足觸機陷

陳孔  
璋檄

每愁悔吝作如覺天地窄

杜詩出門即有礙誰謂天地寬孟郊絕糧於陳畏於匡毀於

叔孫奔走於齊魯宋衛之郊荀卿逃讒於楚廢死蘭

陵公不見信於人私不見助於友跋前疐後動輒得

咎韓文吾盪而趨不知太行之異乎九衢以敗吾車吾放

而遊不知呂梁之異乎安流以沒吾舟吾足蹈坎井頭

抵木石衝冒榛枳僵仆虺蜴柳愚溪對如陷還寧動而愈沉

劉賓客縱我生羽翼網羅方縶維元微之集一列朝士籍遂為

世網拘高有繒繳憂下有陷穽虞每覺宇宙窄未嘗心

體舒

白侍郎

捨虎逢豺狼文粹姜子牙少貧賣漿值天涼屠

牛賣肉值天熱而肉敗

白帖

天上猶有礙何況地上身

元微

集之

本朝顏杲卿張巡之徒世治則擯斥方外沈抑下僚世

亂則委棄孤城壅粉寇手

通鑑唐紀司馬溫公論

每言處世窮困

所向輒值墻谷無一遂者

東坡文

暗投

經我即爾謀聽我囂囂

誨爾諄諄聽我藐藐匪用為

教覆用為虐

詩

子彼非所明而明之 宋人資章甫而適諸越越人斷

髮文身無所用之 大聲不入於里耳 道堯舜於戴

晉人之前

莊

微羽之操不入鄙人之耳

淮南子

楚人和氏

得玉獻厲王王使玉人相之曰石也王以和為詐而刖

其左足及武王又獻之王使玉人相之曰石也王又以

為詐而刖其右足和乃抱璞而泣於楚山之下

韓非子

夫

歌採菱發陽阿鄙人聽之不若延路陽局

延路陽局鄙歌曲也

非

夫歌者拙也聽者異也魯人善制冠妻善織屨往徙

於越而大困窮以其所脩而遊不用之鄉

淮南子

史明月之珠夜光之璧以暗投人於道衆莫不按劍相

眄

西漢鄒陽傳

未遇知己道不同耳

通鑑漢明帝紀

至音不合於衆

聽

東漢

初賈妃之為太子妃也嘗以妬殺數人武帝怒楊

后曰賈公問有大勲又豈可遽忘之耶妃由是得不廢

數誠屬妃妃不知后之助已返以后為構已於武帝更

恨之及帝即位賈后不肯以婦道事太后

通鑑晉惠紀

表龍



章於裸壤奏韶舞於聾俗

晉書

傳記雖濬發於巧心反受嗤於拙目

文賦

集雖家至而戶曉祇以招尤而速累 悲楚人之和氏  
獻寶玉以為石 幕中之辯人反以汝為叛臺中之評  
人反以汝為傾 齊王好竽有求仕於齊者操瑟而往  
立王之門三年不得入叱曰吾瑟鼓之而能使鬼神上  
下吾鼓瑟合軒轅氏之律呂客罵之曰王好竽而子鼓  
瑟瑟雖工如王不好何是所謂工於瑟而不工於求齊

也今舉進士於此世而為文必使一世人不好得無與

操瑟立齊門者比歟文誠工不利於求

韓文雖家置一喙

以自稱道詬益甚耳居塗泥若蟪蛄然雖鳴其聲音

誰為聽之

柳文

古調雖自愛今人多不彈向君投此曲所

貴知音難

劉長卿

本朝我持立主與蒼壁以暗投人渠不識

山谷

古調俗不

樂正聲公自知

詩話

自謀不給

經我躬不閱遑卹我後

詩

子身之不能治而何暇治天下乎

莊子

史吉不能亢身焉能亢宗

左昭元年

范獻子曰老夫其國家

不能恤敢及王室

左昭十四年

魏王曰龜鰲丞豎自救不暇

通鑑  
宋紀

本朝先定者可以謀人不先定者自謀常不給

東坡思  
治論



記纂淵海卷七十